

րիարք և առ իշխանաւորս ազգին 'ի Բիւզանդիոն, յայտ արարեալ զմիաբանութիւն իւր քն ազգին Յունաց՝ յազազս տօնի Զատիկին, խնդրեաց 'ի նոցա՝ անօրինել զարժանն :

Ի հասանիլ այսոցիկ գրեանց ^և թաղաւորեալ քաղաքն՝ ընթերցեալ ազգային երեւելեալ ^և հաճեցան ընդ միաբանութիւնս երկուց ազգաց . ապա յայնմօրէ բարձին 'ի միջոյ երկուստեք զերկիւղ հասկածանաց և երկրայութեան՝ բանակցէին ընդ միմեանս , և խորհէին սիրով և խաղաղութեամբ վախճան տալ գործոյն :

Յետ բազում բանից՝ խնդրեցին Յոյնք 'ի Յովհաննէս Պատրիարքէն Հայոց զգիր պայմանի վասն հաստատութեան բանից , և յետ տալոյ նորա զայն , խնդրեաց և ինքն 'ի նոցանէ փոխադարձ գիր ըստ այնմ , և նոքա խոստացան փութով տալ բերել զայն 'ի Պատրիարքէն խրեանց , որ էր յայնժամ 'ի կողմանս Մուրավիոյ : Ապա միաբանեալ երկուց ազգաց՝ գրեցին գիր ազաջանաց և մատուցին զայն 'ի Գուռն , յայտ արարեալ զմիաբանութիւնս իւրեանց վասն տօնի Զատիկին , սիրով և խաղաղութեամբ հատարել զայն յերուսաղէմ :

Իսկ Յոյնք զգիր Յովհաննու Պատրիարքի և զգիրն ազաջանաց առաքեցին 'ի Պուքրէչ առ Խրիստանթոս Պատրիարքն Երուսաղէմի . և նորա հաւանեալ ընդ միաբանութիւնս երկուց ազգաց , գրեաց և ինքն գիր հաւատարմութեան և 'ի հաստատութիւն պայմանին եղելոյ , առ Յովհաննէս Պատրիարք Հայոց 'ի Կոստանդինուպօլիս , որ ունէր օրինակ զայս :

Ամենապատիւ և գերերջանիկ Տ . Տ . Յովհաննէս վարդապետ և Ս . Պատրիարք Հայոց 'ի Կոստանդինուպօլիս :

Սիրով ողջունենմք զՍրբազնութիւն ձեր՝ և գրեմք մբտերմարար : Բնկալայ զպատուական նամակն ձեր , և քաջ ծանեայ զհանդամանս պատուական անձին ձերոյ , և ջընծացեալ բերկրեցայ 'ի սիրտ և 'ի հոգի . մտղթեմք՝ զի բարեգութն Աստուած պահեսցէ զձեզ 'ի բարօր կենդանութեան՝ 'ի խաղաղասիրութեան և յամենայն երկնապարզեւ բարութիւնս : Իսկ բովանդակութիւն նամակին ձերոյ , ոչ զայլ ինչ իրաց բանս արկեալ ձառէր , այլ միմիայն զսրբոյ և մեծի Պասիքէն՝ որ ունի պատահիլ մեզ յոյսմ ամի , որ-